

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
Općina Novi Grad Sarajevo  
Općinski načelnik

Broj: 02/12-19-6507/20  
Sarajevo, 28.5.2020. godine

Na osnovu člana 64. stav (1) tačka b) i člana 70. stav (1), (3) i (6) Zakona o javnim nabavkama („Službeni glasnik BiH“, br. 39/14) i člana 14. Pravilnika o nabavci roba, vršenju usluga i ustupanju radova broj: 09-05-26263/15 od 27.11.2015. godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/12-05-10708/18 od 16.5.2018. godine, a na preporuku Komisije za javnu nabavku radova, Općinski načelnik donosi:

## **ODLUKU**

**o izboru najpovoljnijeg ponuđača u predmetu – Uređivanje i čišćenje vodotoka rijeka i potoka u cilju sprečavanja plavljenja**

### **I**

Prihvata se preporuka Komisije za javnu nabavku radova i ugovor za javnu nabavku u predmetu „Uređivanje i čišćenje vodotoka rijeka i potoka u cilju sprečavanja plavljenja, broj obavještenja 422-7-3-68-3-55/20, objavljeno na Portalu javnih nabavki dana 09.4.2020. godine, dodjeljuje se grupi ponuđača: „Tuzlić“ d.o.o. Breza i „Tehnometal“ d.o.o. Vlasenica, sa ponuđenom cijenom za ugovor u iznosu od 55.842,00 KM bez PDV-a, odnosno 65.335,14 KM sa PDV-om.

### **II**

Zadužuje se Služba za zajedničke poslove da ovu Odluku objavi na web stranici Općine [www.novigradsarajevo.ba](http://www.novigradsarajevo.ba), istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama, te da nakon isteka žalbenog roka pripremi ugovor i dostavi Općinskom načelniku na potpis.

### **III**

Obavezuje se ponuđač iz člana I ove Odluke da u roku od 5 (pet) dana od dana zaprimanja iste, dostavi dokumentaciju traženu tačkom 3.1.3. koja se odnose na član 45. stav (2) tačka od a) do d) Zakona i dokumentaciju traženu u tački 3.3.2. tenderske dokumentacije koja se odnosi na ekonomsku i finansijsku sposobnost. Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od dana utvrđenog kao krajni rok za predaju ponuda.

## **Obrazloženje**

Odlukom broj 02/12-19-6507/20 od 03.4.2020. godine Općina Novi Grad Sarajevo pokrenula je konkurentski postupak javne nabavke „Uređivanje i čišćenje vodotoka rijeka i potoka u cilju sprečavanja plavljenja“, broj obavještenja 422-7-3-68-3-55/20, objavljeno na Portalu javnih nabavki dana 09.4.2020. godine.

Zapisnikom o otvaranju ponuda od 24.4.2020. godine Komisija je konstatovala da je u predviđenom roku, u propisno upakovanim kovertama, pristiglo sedam (7) ponuda ponuđača:

1. Konzorcij: „Manjo“ d.o.o. Sarajevo i „Bosman“ d.o.o. Sarajevo,
2. „Bujice“ d.o.o. Konjic,
3. „Mibral“ d.o.o. Sarajevo,
4. „Harysco“ d.o.o. Sarajevo,
5. „Sela“ d.o.o. Sarajevo,
6. Konzorcij: „Tuzlić“ d.o.o. Breza i „Tehnometal“ d.o.o. Vlasenica,
7. „MGBH“ d.o.o. Sarajevo,

Zapisnik sa otvaranja ponuda dostavljen je ponuđačima na fax u zakonom predviđenom roku.

Nakon što je Komisija utvrdila da je pristiglo sedam ponuda, pristupila je analizi i procjeni dokumentacije kojom ponuđači trebaju dokazati svoju kvalifikovanost za učešće u ovom postupku.

Komisija je utvrdila da ponuđač „Bujice“ d.o.o. Konjic ne ispunjava kvalifikacione uslove tražene u tenderskoj dokumentaciji iz tačke 3.4.1. (1) tehnička i profesionalna sposobnost, odnosno dokaz da je ponuđač u periodu posljednje tri godine uspješno izvršio najmanje jedan ugovor koji za predmet ugovora ima radove koji su u vezi sa predmetom nabavke vrijednosti najmanje 90.000,00 KM sa PDV-om. Uz spisak izvršenih ugovora ponuđač je dužan shodno tački 3.4.2. (1.a) dostaviti najmanje jednu potvrdu za ugovor koji za predmet ugovora ima radove koji su u vezi sa predmetom nabavke vrijednosti najmanje 90.000,00 KM sa PDV-om. Ponuđač je dostavio potvrdu Općine Novi Grad broj 02/08-23-3471/19 od 25.2.2019. godine koja se odnosi na uspješnu realizaciju ugovora na izgradnji separatne kanalizacione mreže i potvrdu Općine Ilidža broj 04-14-2822/19 od 09.7.2019. godine koja se odnosi na realizaciju ugovora na rekonstrukciji i dogradnji kanalizacione mreže i izgradnji vodovodne mreže. Predmetne potvrde ne dokazuju da je ponuđač izvršio ugovor koji za predmet ima radove koji su u vezi sa predmetom nabavke, jer se dostavljene potvrde odnose na radove vezane za komunalnu i kanalizacionu mrežu, a predmetni postupak se odnosi na uređenje i regulaciju vodotoka rijeka i potoka.

Iz naprijed navedenog razloga utvrđeno je da ponuđač „Bujice“ d.o.o. Konjic ne ispunjava uslove tražene u tenderskoj dokumentaciji iz tačke 3.4.1. (1) i 3.4.2. (1) tehnička i profesionalna sposobnost, te je ponuda odbačena shodno odredbama člana 68. stav (4) tačka i) Zakona o javnim nabavkama.

Komisija je utvrdila da ponuđač „Sela“ d.o.o. Sarajevo ne ispunjava kvalifikacione uslove tražene u tenderskoj dokumentaciji iz tačke 3.4.1. (1) tehnička i profesionalna sposobnost, odnosno dokaz da je ponuđač u periodu posljednje tri godine uspješno izvršio najmanje jedan ugovor koji za predmet ugovora ima radove koji su u vezi sa predmetom nabavke vrijednosti najmanje 90.000,00 KM sa PDV-om. Uz spisak izvršenih ugovora ponuđač je dužan shodno tački 3.4.2. (1.a) dostaviti najmanje jednu potvrdu za ugovor koji za predmet ugovora ima radove koji su u vezi sa predmetom nabavke vrijednosti najmanje 90.000,00 KM sa PDV-om. Ponuđač je dostavio potvrdu Općine Ilidža broj 04-14-4954/17 od 12.12.2017. godine koja se odnosi na realizaciju ugovora na izgradnji separatne kanalizacione mreže, potvrdu Općine Novo Sarajevo broj 10-23-2957/19 od 02.12.2019. godine koja se odnosi na realizaciju ugovora za hitne intervencije na objektima komunalne infrastrukture, te potvrde JP „Elektroprivreda BiH“ broj 03-4-63-34185/2019 od 14.6.2019. godine i 03-4-63-34213/2019 od 14.6.2019. godine i broj 03-4-63-34203/2019 od 14.6.2019. godine, a koje se odnose na izvođenje građevinskih radova bez preciziranja o kojim radovima je riječ. Predmetne potvrde ne dokazuju da je ponuđač izvršio ugovor koji za predmet ima radove koji su u vezi sa predmetom nabavke, jer se dostavljene potvrde odnose na radove vezane za komunalnu i kanalizacionu mrežu, a predmetni postupak se odnosi na uređenje i regulaciju vodotoka rijeka i potoka.

Iz naprijed navedenog razloga utvrđeno je da ponuđač „Sela“ d.o.o. Sarajevo ne ispunjava uslove tražene u tenderskoj dokumentaciji iz tačke 3.4.1.(1) i tačke 3.4.2. (1) tehnička i profesionalna sposobnost, te je ponuda odbačena shodno odredbama člana 68. stav (4) tačka i) Zakona o javnim nabavkama.

Komisija je utvrdila da preostalih pet dostavljenih ponuda ispunjavaju formalno-pravne i kvalifikacione uslove tražene u tenderskoj dokumentaciji i to ponude: Konzorcij: „Manjo“ d.o.o. Sarajevo i „Bosman“ d.o.o. Sarajevo, „Mibral“ d.o.o. Sarajevo, „Harysco“ d.o.o. Sarajevo, Konzorcij: „Tuzlić“ d.o.o. Breza i „Tehnometal“ d.o.o. Vlasenica i „MGBH“ d.o.o. Sarajevo. Komisija je izvršila i računsku kontrolu ponuda te utvrdila da su sve ponude računski ispravne.

Shodno naprijed navedenom Komisija je utvrdila preliminarnu rang listu ponuđača, a prije provođenja e-aukcije, i to kako slijedi: 1. Konzorcij: „Manjo“ d.o.o. Sarajevo i „Bosman“ d.o.o. Sarajevo, 2. „MGBH“ d.o.o. Sarajevo, 3. „Mibral“ d.o.o. Sarajevo, 4. Konzorcij: „Tuzlić“ d.o.o. Breza i „Tehnometal“ d.o.o. Vlasenica i 5. „Harysco“ d.o.o. Sarajevo.

Tenderskom dokumentacijom u tački 1.5.5. i 5.3. predviđeno je provođenje e-aukcije, te je u skladu sa Pravilnikom o uslovima i načinu korištenja e-aukcije („Službeni glasnik BiH“, br. 66/16) zakazano održavanje e-aukcije na Portalu javnih nabavki BiH za dan 18.5.2020. godine sa početkom u 10:00 sati. Nakon okončane e-aukcije za predmetnu nabavku, a na osnovu Izvještaja o toku i završetku e-aukcije broj

postupka 422-7-3-68/20 od 18.5.2020. godine, Komisija je utvrdila da konačna rang lista ponuđača koji su učestvovali na e-aukciji izgleda kako slijedi:

1. Konzorcij: „Tuzlić” d.o.o. Breza i „Tehnometal” d.o.o. Vlasenica sa ponuđenom cijenom za ugovor u iznosu od 55.842,00 KM bez PDV-a,
2. Konzorcij: „Manjo“ d.o.o. Sarajevo i „Bosman“ d.o.o. Sarajevo sa ponuđenom cijenom za ugovor u iznosu od 55.919,00 KM bez PDV-a,
3. „Harysco“ d.o.o. Sarajevo sa ponuđenom cijenom za ugovor u iznosu od 60.237,00 KM bez PDV-a,
4. „MGBH” d.o.o. Sarajevo sa ponuđenom cijenom za ugovor u iznosu od 67.533,99 KM bez PDV-a,
5. „Mibral“ d.o.o. Sarajevo sa ponuđenom cijenom za ugovor u iznosu od 69.000,00 KM bez PDV-a.

U skladu sa članom 8. stav (3) Pravilnika o uslovima i načinu korištenja e-aukcije izvršeno je umanjenje za svaku poziciju tehničke specifikacije za procenat koji iznosi konačno procentualno umanjenje cijene postignute nakon e-aukcije, tako da ponuđena cijena za ugovor grupe ponuđača „Tuzlić” d.o.o. Breza i „Tehnometal” d.o.o. Vlasenica iznosi 55.842,00 KM bez PDV-a, odnosno 65.335,14 KM sa PDV-om, o čemu je ponuđač dostavio saglasnost broj 190-V/20, dana 20.5.2020. godine.

Shodno naprijed navedenom Komisija je donijela preporuku za zaključenje ugovora za predmetnu nabavku sa grupom ponuđača „Tuzlić” d.o.o. Breza i „Tehnometal” d.o.o. Vlasenica.

Imajući u vidu da je Komisija u cijelosti pravilno provela postupak i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to se prihvata preporuka Komisije za javnu nabavku radova, te je shodno odredbama člana 64. stav (1) tačka b) Zakona o javnim nabavkama odlučeno kao u dispozitivu.

#### **Pouka o pravnom lijeku:**

Protiv ove Odluke može se izjaviti žalba Uredu za rmatranje žalbi BiH putem ugovornog organa u roku od 5 (pet) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

#### **DOSTAVITI:**

1. Ponuđačima u postupku
2. Služba za zajedničke poslove
3. Komisija za javne nabavke radova
4. U spis



Općinski načelnik

mr. Semir Efendić